

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمات

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توجیهات

طوز قضاسی بدایت محکمه سی مدعی عمومی
معاونلکی لوشنه قضاسی بدایت محکمه سی مدعی
عمومی معاونی مجید افندی به
لوشنه قضاسی بدایت محکمه سی مدعی عمومی
معاونلکی طوز قضاسی بدایت محکمه سی مدعی
عمومی معاونی نورس افندی به تفویض بیورلمش
ومومی الیها ذاتاً مخالف بولمشدر.

محاکمات و مقدمات

بیغا سنجانی بدایت محکمه سی مدعی عمومی
معاون سابق عثمان شریف افندیکن اوراق
انفصالیه ومدافعه نامه سی انجمن انتخاب مأمورین
عدلیه جه لدی التدقیق جواز استخدامنه قرار
ویرلمشدر.

محکمه تمیز استدعا دائره سندن تنظیم واعطا
اولنان اعلامدر:

سلانیک ولایتی مرکز بدایت محکمه سی جزا
دائره سندن ایکنجی دفعه اوله رق تنظیم واعطا قلنان
۱ تشرین ثانی سنه ۳۲۳ تاریخلی و ۴۶۱ عددلی
اعلامک تمیزاً تدقیقی مستدعی آریستیدی یورکی ونستوره
طرفندن ویریلان استدعا نامه واوراق متفرعه سی
باش مدعی عمومیلک مأموریت بهیه سنک ۲۸
کانون ثانی سنه ۳۲۳ تاریخلی تبلیغ نامه سی ایله محکمه
تمیز استدعا دائره سنه تودیع اولمش ولدی التدقیق
استدعا نامه نک مدتی ظرفنده ویرلدیکی وشروط
قانونیه سنه موافق بولندینی اکلاشلمش اولدیغندن
بالقبول تدقیقات تمیزیه اجراسنه ابتدار قانیدی.

اعلام مذکورک خلاصه مالی امیلیوس قوپانو
ولد دیمترینک اون ایکی تنکه زیتون یاغنی سرقت
ایتدکلری ادعا قلناز مرتوم آریستیدی ایله نستوره

ولد آندون میخالاقه وپنا یوط وواسیلک التیشر ماه
مدتله حبسلرینه دائر لاحق اولان حکم ابتدائینک
مرقومندن آریستیدی ونستوریه عائد جهتک
تصدیقی حاوی ویریلان اعلام استینافینک عند التیمز
اسباب قانونیه دن طولای تقض اولنمی اوزرینه بوکره
اسباب تقضیه به اتباع صورتیه جریان ایدن محاکات
وتدقیقات نتیجه سنده حکم ابتدائی مذکورک موافق
اصول وقانون اولدیغندن بحکله تصدیقه قرار ویرلدیکی
متضمندر.

لايحه تمیزیه ده محکمه استینافیه جه اسباب تقضیه
دائره سنده اعلام ابتدائینک فسخیه یکیدن محاکمه
اجراسی لازم کلور ایکن بوصورته توفیق حرکت
اولنماسی وشهود مستمعه نک محکمه بدایتده کی
شهادت لرینک استنطاقده کی افاده لرینه موافق اولوب
اولمادینی حقنده برقرار ویرلماش ومابه التطبيق اتخاذ
اولنان ماده قانونیه ده اصابت اولمادینه متدائر بولنان
اعتراضنک بلا تدقیق رد ایدلمش اولمی مخالف قانون
ایدوکنه دائر سرد اعتراض ایله اعلام استینافینک
نقضی استدعا ایدلمشدر.

تبلیغ نامه ده دخی اعتراضات مسروده نک بجایلدوکی
بیانیله اعلام مذکورک نقضی لزومی کوسترلمشدر.

ایجابی لدی المذاکره مستدعی تمیز آریستیدینک
مرتکب اولدینی سرقت فعلندن طولای تحدید
جزاسی یولنده لاحق اولان حکم ابتدائی تصدیقاً
مقدما محکمه استینافیه دن ویریلان اعلام اعتراضات
استینافیه نک اسباب ردیه سی کوسترلماشندن ناشی تقض
ایدلمش اولوب بوکره جریان ایدن محاکمه نتیجه سی
ناطق اولان اعلام ثانیه ایسه اعتراضات مذکورک
هربری حقنده اسباب موجب اراءه سیله قبوله شایان
اولمادینی بر تفصیل بیان اولمش ودرجه اولی
محکمه سنجه مستدعی مرقومک فعل مذکورک جرأی
شهود مستمعه نک شهادتانه انضمام ایدن دلائل وامارات
ایله مرتبه ثبوتده کورلدیکی کی استینافاً دخی اخبارات
ودلائل موجوده نک حکمه کتباتی تقدیر ایدلمش
اولسنه نظراً لایحه تمیزیه نک بوجهتله متفرع

وسالف الذکر اعتراضات استینافیه بی تکراردن
عبارت بولنان فقراتی اعلام اخیر مذکورک نقضی
مستلزم اولمادینی مثللو اسباب قانونیه موجود اولمشزین
محاکم استینافیه جه مقررات ابتدائیه نک فسخی جهته
کیدله مامک طبعی اولمسلیله یویولده معامله جریان
ایتدیرلمدیکنه متدائر اعتراض دخی غیر وارد اولدیغندن
اولباده کی تمیز استدعا سنک ردیه اسباب موجبیه
مستند واصل وقانونه موافق بولنان اعلام استینافینک
تصدیق و یوز غروش اعلام خرجنک مستدعیدن تحصیلنه
۹ شباط سنه ۳۲۳ تاریخنده متفقاً قرار ویرلدی.

نورینک خانه سندن اشیا سرقت ایتدیکی ادعا
اولنمشندن دولای جنایتله اتهام اولنان ابراهیمک اوچ
سنه مدتله کورکه قونلشنه دائر معموة العزیز ولایتی
استیناف محکمه سی جزا دائره سندن ویریلان ۱۹۳
نومرولی اعلام

قسططنینی قتل ایتدکلری ادعا اولنمشندن دولای
جنایتله اتهام اولنان حسنک وقوع وقایتله حقنده کی
حقوق عمومیه دعواسنک سقوطنه و ابراهیمک اون
بش سنه مدتله کورکه قونلشنه دائر سلانیک ولایتی
استیناف محکمه سی جزا دائره سندن ویریلان ۲۲۸
نومرولی اعلام

سیرین ولد استویانی قتل قصدیه جرح ایتدیکی
ادعا اولنمشندن دولای جنایتله اتهام اولنان صالحک
اوچ سنه مدتله کورکه قونلشنه دائر پرزرین سنجانی
بدایت محکمه سی جزا دائره سندن ویریلان ۲۹۴
نومرولی اعلام

اسکیچی احمدی قتل وپاسقالی ضرب وجرح
ایتدکلری ادعا اولنمشندن دولای جنایتله اتهام اولنان
مصطفانک اون بش سنه مدتله کورکه قونلشنه وامینک
عادیا ضارب اولدینی جهته الی ماه مدتله حبسنه
وفعل قتلندن برائته دائر در سعادت جنایت محکمه سندن
ایکنجی دفعه اوله رق ویریلان ۱۳۵ نومرولی اعلام
حازم بن ولی قتل قصدیه جرح ایدهرک
تعطیل عضوینه سبیت ویریکی ادعا اولنمشندن دولای

جانیله اتهام اولان جعفرک اوج سنه مدته کورکه قولسنه دأر قوصوه ولای استیاف محکمه سی جزا دأرهنسندن ویریلان ۳۳ نومروی اعلام

عبدالرحمن بن ابراهیمی قتل ایتدیکی ادا اولمئسندن دولای جانیله اتهام اولان سلیمانک اون بش سنه مدته کورکه قولسنه دأر پرشته سنجانی بدایت محکمه سی جزا دأرهنسندن ایکنجی دفعه اوله رق ویریلان ۳۵۵ نومروی اعلام

سفری قتله معاونت ایتدیکی ادا اولمئسندن دولای جانیله اتهام اولان قاولشک اوج سنه مدته کورکه قولسنه دأر پرزین سنجانی بدایت محکمه سی جزا دأرهنسندن ویریلان ۷۶۳ نومروی اعلام

عثانک طواری اخذسوقت ایتدکری ادا اولمئسندن دولای جانیله اتهام اولان محمد وحسن وعبدینک اوجر سنه مدته کورکه قولنلرینه دأر کغری سنجانی بدایت محکمه سی جزا دأرهنسندن ویریلان ۳۹ نومروی اعلام

عایشه نیک خانسی قوکلیدی آلت مخصوصه ایله آجهرق معلوم المقدار اشایی سمرت ایتدیکی ادا اولمئسندن طولای جانیله اتهام اولان قهوه جی اسماعیلک اتی سنه مدته کورکه قولسنه دأر ادرنه ولای استیاف محکمه سی جزا دأرهنسندن ویریلان ۱۶۳ نومروی اعلام

یوانجهی اخناق و اتلاف ایتدیکی ادا اولمئسندن دولای جانیله اتهام اولان محمودک حین ایقاع جرمد هوز صبی غیرمین اولسی حبسیله قرعجی ماده قانونیه موجبنجه ولسنه تسلیمه دأر سلانیک ولای استیاف محکمه سی جزا دأرهنسندن ویریلان ۴۱ نومروی اعلام محکمه تمیز جزا دأرهنسندن تصدیق قلمشدر .

۶۸۴ نومروی نسخه ده مندرج در سعادت جنایت محکمه سی اعلامه نیک بقیه سی :

بر موجب محاکمات جاریه طرفینک ادا و مدافعاتی استماع و اوراق موجوده و ضوابط محکمه مطالعه و تدقیق و کیفیت تعمیق و استطلاع اولدقدن صوکره ایجابی لدی المذاکره ایرانی حبیبک قتلدن طولای اتهام ایدیلان لیغور فعل مدعایه مجاسرتی انکار و مدافعه و کیلی و لادامیر افندی دخی شهادت و امارات موجوده موکلنک تجربینه غیر کافی اولدیغندن برائنه و بوضورت قابل اوله مدینی تقدیرده مقتول بیجاغی اولدیغندن مقابله جهته قرار اعطاسنی استدعا ایدر اولدیغنی تذکار ایکنده اولدقدن بینات موجوده درپیش ایدلکنده برکیجه ساعت اوج بیجی راده لرنده

ایشتدیکی کورولی اوزرینه دکانندن چقه رق قصاب آریستیدین سؤالنده برادرسز قرمانلیدر دکانده اوطور قارشیه دیمی اوزرینه دکانه کیردکن بر آز صوکره مته لیغور نعره آنه رق دکانی اوکندن کچمسنی و مقتول حبیبه خدایا کل بوراسی قراکلک زقاقدر دیمسی معقب مرقو مانک هر ایکی زقاغه کیردکنرده مته مرقوم الله بولنان برشی ایله مقتول حبیبک قارنه دورتمسیله حبیبک امان بی اوردی یتیشک دیوقان سیلان ایدن قارنی طوادیغنی کوردیکی حقوق عمومیه شوپندن توتونجی رضانک و برکیجه ساعت اوج راده لرنده مته لیغور سرخوش اوله رق قهوه خانه سته بالورود قهوه ایسته مسنه قارشو آتشی سوندردکنری اخطار ایتدکه سب و شتم ایدرک مقتول حبیبه ده اطاله لسانده بولنسیله حبیب مته لیغوره ایکی طوقات اوروب طیشاری چقاردیغنی و تکرار قهوه خانه یه داخل اولان لیغوری اخراج ایتدکری عقینده حبیب دخی طیشاری چققدن بر آز زمان مرورنده ایشتدیکی فریاد طرفه عزیمته شتاب ایتدکه حبیبک قان آققده بولنان قارنی طوادیغنی حالده امان بی لیغور اوردی یتیشک دیو فریاد ایتدیکی قهوه جی صالح بن نجیبک حضور محکمه ده و برکیجه قهوه خانه ده اوطور مقده ایکن سرخوش اوله رق کلش اولان لیغورک حبیب ایله ایقاع نزاع و اطاله لسان ایتدیکی جهته طیشاری چققدنرله لیغور بکا یان باقان واری دیونره آتشی اوزرینه حبیب دخی طیشاری چققدیغندن بر آز صوکره حبیبک امان اولدم لیغور قارنی یاردی محمد قوش یتیش دیو فریادی ایتیدرک هان قره غوله معلومات ویردکنری ویکرمی ادیم اونه ده بولنان لیغورک دخی لنگه جهته طوغری قرار ایتدیکی افاده مضبوطه استطاقیه لری قرائت اولان محمد بن عیسی وضیا بن طفیلک حضور مستنطقده مین ایله و بر اقسام قره غولخانه ده اوطور مقدر ایکن حبیب نامنده بر شخصک مجروحاً آصف بکل اجزا خانه سته کوتور یله رک نداوی ایدلکنده بولدیغنی خبر آللریله و جارخنک مته لیغور اولدیغنی اکلاملریله هان اوطه سی تحری ایتدکنرده بر آز مقدم اوطه سته کلوب آرقداشرندن پاره ایستدیکی و قارشویه کیده جکم دیهرک صاووشدیغنی استخبار ایلریله استخفا ایده یله جکی محللری بیلن رنجبر خورشیدی استصحاب ایله قبان دقایقه ایرانی یوسفک قهوه خانه سنده مرقوم لیغوری دردست ایتدکری و قره غولخانه یه کیتدکری صرده لیغورک اولدی اولدی دینه خوشیددن کردجه صورمش اولدیغنی خورشیدک خبر ویردیکی و عندالمعاینه البسه

وقوشاغنده دم لککری کوردکری اظهار حق شهودندن یوسف احسان و مجدی افندیلرک و برکیجه دکانی قلمقده اولدیغنی صرده مته لیغورک سرخوش اوله رق قارشوسنده کی قهوه خانه یه کیدوب منازعه ایدرک بش دقایقه صوکره طیشاری چققدیغنی و زقاق ایچروسنده نعره آتدیغنی کورمش و اوطه سته چققدیغنی صرده محمد محمد دیو بر اغری ایشتمش ایدوکی قصاب آریستیدینک حضور محکمه ده طوغری بی سولیه جکلری تأمین ایله بیان و کذلک اظهار حقه مدار املق اوزره افاده محلفه استنطاقیه سی قرائت اولان رنجبر خورشیدک دخی برکیجه مته لیغور خانه بالورود درویشک قوسو اوکنده طوره رق نیم پاره سی ویر کیدیورم دیوسولسیله اوطه سندن چقه رق نه ایستدیکی مته لیغور دن صوردیغنه لغه ده بر عجمله غوغا ایتدم شمدی کیدیورم دیدیکی و درویش دخی مته مک پاره سی ویردرک باشند صاودیغنی و بالاخره ورود ایدن مأمورین ضابطه کندوسنی رفاقتلرینه آله رق کیدوب قبان دقایقه بر قهوه خانه ده لیغوری دردست ایتدکری و مرقومی قره غولخانه یه کوتور مکدر ایکن کردجه اولشمی دیو صوردیغنی اتیان ایتلرینه نظراً مقتول ایله مته مک یانلرنده آخر برمتفس اولمادیغنی حالده جرحک وقوعه کلسنه و طبیب راپوری دخی حبیده کوریلان جرحه یی ایقاع ایدیلان آلت قاطعه نیک شریان حرقی ظاهری قطع ایتسندن ناشی ظهور ایدن زرف خارجیدن متأثر ایغی جرحه سی نتیجه سی اوله رق وفات ایدلکی مشعر و ذاتاً مته مک منازعه یی مقر اولسنه و اکثری جارحار آلت جارحه یی اخفا و اکتام و مته مک البسه سنده و قعی معقب دم کورلسنک دلالت ایتضام ایتسنه و خصوصاً مقتوله برشیه اوردیغنی و شرطک بولندیغنی برده مطلقاً مشروطک بولنسی ایجاب ایتیه چکی ملاسه یله مقتولک بیجاغی اولنسی نزدنده دائماً بیجاغی بولنسی استلزام ایتیه چکی کبی حین وقعه ده دخی یانسنده آلت جارحه بولمادیغنی جمله شهادتدن بولنسنه و مقتول دخی جارحک مته لیغور اولدیغنی تعیین ایسنه نظر آمجوت عنه اولان فعل جرح و قتلک فاعلی مته م اولدیغنه حکم ایچون دلالت و بینات موجوده کافی و مقابله سوزیده ظاهر حاکم خلافی اولمغله مته مک تاویلاتی و وکیل مدافک مدافعاتی واهی کورینسره رک بناء علیه مته م لیغورک ۳۲۳ سنه سی کانون اولنک یکرمی سکرنجی کیجه سی ساعت اوج بیجی راده لرنده لاله لیده مسیح پاشا حمله سنده آلی خانه زقاغنده میانه لرنده حادث اولان منازعه اوزرینه حبیبی بالتهور جرح و قتل ایکن فلانک فاعلی اولدیغنه

و جاهاً و متفقاً قرار ویریلرک محاکمه اوطه سته عودتله قرار مذکور علناً قرائت و بیان اولدقدن معاون مومی ایله مجرم لیغورک قانون جزانک یوز یتیش دردنجی ماده سته توفیقاً تحدید جزائی طلب و ادا و وکیل مومی ایله ایله مجرم مرقوم دخی بشقه دیه جکلری اولمادیغنی انبا ایتلریله بوجه محاکمه نیک دخی اختتامی بالافهام تکرار مذاکره اوطه سته کیدلدی .

تعیین جزا خصوصی دخی مذاکره اولندقدن مجرم لیغورک حرکتی قانون هایون جزانک یوز یتیش دردنجی ماده سنک فقره اولاسنه موافق و فقره مذکور [برکیسه من غیر تعمد بر شخص اتلاف ایتیش ایسه اون بش سنه مدته کورکه وضع اولنور] عبارته سی ناطق اولدیغندن اشبو حکم قانونیه توفیقاً وابتدای توفیقی اولان ۳۲۳ سنه سی کانون تائینسک سکرنجی کونته مصادف اولان ۳۲۵ سنه سی ذی الحجه سنک اون سکرنجی کونندن اعتباراً اون بش سنه مدته کورکه قولسنه و مصارف محاکمه اولان جمعاً یوز التمش غروشک دخی کندوسندن بالتحصیل عدلیه و زنه سته تسلیم ایتدیرلسنه ۳۲۴ سنه سی مارتنک اون سکرنجی کونی کذلک وجاهاً و متفقاً قرار ویریلرک اصول تفهیمی ایفا قلندی .

افتمک تجره سی سمرت ایتدیکی ثابت اوله میان آندونک برائنه

خرستوایله یامینوندا و نیکوله و پانده لینک بالمنازعه مضاربه ایتدکری ثابت اوله مدیغندن برائلرینه

لئونیده نیک اموال منقوله سته ایراث خسار ایتدکری ثابت اوله میان محمد و آصف و علاء الدینک برائلرینه

ممش و عبد اللهک مشنکی شکری بی ضرب ایتدکری ثابت اوله مدیغندن برائلرینه

آصف افندیگنک خلاف تنبیه سلاح طاشیدیغنی ثابت اولدیغندن اوج بشلک جزای نقدی آلتسنه

آراه بی اسماعیل ایله محمودک مضاربه ایتدکری ثابت اولدیغندن اوزر کون مدته حبسلرینه

یاننک خلاف تنبیه اوزرنده سلاح طاشیدیغنی ثابت اولدیغندن بش بشلک جزای نقدی آلتسنه

قادیبقویه اطاله لسان ایتدکری ثابت اولان دیبماندی و پراشکودن یارمشر آلتون جزای نقدی آلتسنه

شکری افندی ایله طودورینک یکدیگر بی ضرب

ایتدکری ثابت اولدیغندن بر هفته مدته حبسلرینه

فوادک حبسی ضرب ایتدیکی ثابت اولدیغندن بر هفته مدته حبسنه

اکسنه فونی ضرب ایتدکری ثابت اولان نیکولی و دیگر نیکولینک بر هفته مدته حبسلرینه

قربانی ضرب ایتدکری ثابت اولان مانوق ایله لیغورک بر هفته مدته حبسلرینه

یوانک قوندیره سی سمرت ایتدیکی ثابت اولان صاوانک اوج ماه مدته حبسنه و ختام مدت جزای سنده ضابطه جه کفالتله ربطنه

احمد افندیگنک مقبوله خانه اطاله لسان ایتدیکی ثابت اولدیغندن یارم آلتون جزای نقدی آلتسنه

یاننک حمله آرسنده سلاح آتدیغنی ثابت اولدیغندن اوج کون حبسنه بش بشلک جزای نقدی آلتسنه

واسیلک اچمسنی سمرت ایتدیکی تبین ایدن حسین حسنینک اتی ماه مدته حبسنه

عباسک راشد اغایه اطاله لسان ایتدیکی ثابت اولدیغندن بر هفته مدته حبسنه

خدیحجه و ملک خاتلرک بکر افندی یه اطاله لسان ایتدکری ثابت اولدیغندن بر آلتون جزای نقدی آلتسنه

لازارینک دکانه تعلیق ایتدیکی ورقه اعلانییه مستعمل پول الصاق ایتدیکی ثابت اولان آروندن بش لیرا جزای نقدی آلتسنه

قاله آ و باطره نیک خانسی تجره سته تعلیق ایتدیکی لوحه اعلانییه مستعمل پول الصاق ایتدیکی ثابت اولدیغندن بش لیرا جزای نقدی آلتسنه

بیونک آتوب و ورژینی ضرب و جرح ایتدیکی ثابت اولدیغندن ایکی ماه مدته حبسنه

اورانیانک جاملری قیردیغنی ثابت اولان حسنک اوج کون حبسیله برابر اون بشلک جزای نقدی آلتسنه

محرم افندیگنک فاطمه خانسی ضرب ایتدیکی ثابت اولدیغندن اون بش کون مدته حبسنه

خلیل و یعقوب و یونس و الیاسک مضاربه ایتدکری ثابت اولدیغندن بر هفته مدته حبسلرینه

حسنیک باللی جرح ایتدیکی ثابت اولدیغندن اون بش کون مدته حبسنه

یکدیگر بی ضرب ایتدکری ادا قتلان مصطفی و طودوریدن طودورینک مصطفای ضرب ایتدیکی

ثابت اولدیغندن مرقومدن بر آلتون آله رق مضروب ویرلسنه

عبد القادرک سرسریلیکی ثابت اولدیغندن بر ماه مدته حبسنه و برسته ضابطه نظارتی التده بولدیرلسنه

یاننک حق دخولی اولمادیغنی حالده نیکولینسک اوطه سته کیردیکی ثابت اولدیغندن بش کون حبسیله برابر اون بشلک جزای نقدی آلتسنه

استاوروله ایله بنیامینک ماری بی ضرب ایتدکری ثابت اولدیغندن بر آلتون آله رق ماری یه ویرلسنه

قوچونک قاتینه یی ضرب ایتدیکی ثابت اولدیغندن بر هفته مدته حبسنه

صرافیمک فاضل افندی بی ضرب ایتدیکی ثابت اولدیغندن بر هفته مدته حبسنه

خرستونک البسه سی سمرت ایتدیکی ثابت اولان حسنینک اوج ماه مدته حبسنه و ختام مدت جزای سنده ضابطه جه کفالتله ربطنه

آندونک امواله ایراث خسار ایتدیکی تبین ایدن اوده سیادن اون بشلک جزای نقدی آلتسنه و خسار بدلی اولان بش غروشک بالتحصیل آندونه ویرلسنه

مانولک سرسریلیکی ثابت اولدیغندن بر ماه مدته حبسنه و ختام مدت جزای سنده ضابطه نظارتی التده بولنسنه

زوزه فینانک پولیس قومیسری احمد و علی افندیلره اطاله لسان ایتدیکی ثابت اولدیغندن بر هفته مدته حبسنه

بک اوغلی بدایت محکمه سی جزا دأرهنسندن قرار ویرلشدر .

اعلامات

در سعادت استیاف مدعی عمر بیلیک مأموریت برهنه : حسین بابانک کیفیت قتل و اتلافندن طولای مظنون علمیدن اولوب حال فرارده بولنان عن اصل اشقودره ولایتک ماط قضانک طوقه جق قریه سی اهالیسندن اورته بویلی ، الا کوزلی ، تر بیلی ، طوب چهرملی یکرمی یاشلرنده ابراهیم بن طالبک اصول محاکمات جزائی قانوننک مواد مخصوصه سی احکامنه توفیقاً موقوف بولنان رقتاسیله برلکنده جنایت محکمه سنده محاکملری اجرا قلنق اوزره قانون جزانک یوز یتیش دردنجی ماده سنک فقره اخیره سی موجبنجه جانیله اتهامه قرار ویرلیدکندن مته م مرقومک هر زرده کوریلور ایسه طویلوب محکمه مذکورده توفیقخانه سته تسلیمی لازم کله چکی بالجله ضابطه عدلیه مأمورینک معلومی املق اوزره

اشبو اخذ و گرفت مذكره سی در سعادت هیئت
اتهامیه سندن بالتنظیم اعطا قلندی .

طوبخانه ده بوغاز کسان جاده سنده قهوه جی
شوقینک دفتر دار یقوشنده کی خانه سندن لیلأ سر قه
تصدی ایلدکلی ادا سیله مظنون علیهمان اولوب
حال فرارده بولان محل اقامتی مجهول اورته بویلی ،
الا کوزلی ، مطروش چکلی ، صاری قاش و صاچلی ،
بغدادی وجهلی یوسف نام دیگر رضا بن توفیقک
اصول محاکمات جزائیة قانونک مواد مخصوصه سی
احکامنه توفیقاً موقوف بولان رفیقی علی بهلول ایله
برلکده جنایت محکمه سنده محاکمه لری اجرا قلنمق
اوزره قانون جزانک ایکی یوز یکر منجی ماده سی
موجبجه جنایتله اتهام لری نه قرار ویرلدیکندن متهم
مرقومک هر زرده کوریلور ایسه طوتیلوب محکمه
مذکوره توقیفخانه سنده تسلیمی لازم کله جکی بالجله
ضابطه عدلیه مأمور لری نک معلومی اولمق اوزره اشبو
اخذ و گرفت مذكره سی در سعادت هیئت اتهامیه سندن
بالتنظیم اعطا قلندی .

نجات بحریه محکمه سنده :

بک اوغلنده فیروزاغده حمام اتصانده کی مغازه ده
مانیفاطوره تجارتیه مشغول احمد زاده عبد اللطیف
افدینک ۱۹ شباط سنه ۳۲۳ تاریخندن اعتباراً اعلان
افلاسنه و مصالح افلاسیه نک رؤیت و تسویه سی ضمنتده
اعضای محکمه دن عزتو ایوب صبری بکک ژور قومیسر
ودعوی وکیللرندن رسائی بک ایله مارقو ناحوم
افدینک موقت سندیک تعینلری نه و مغازه سیله اشپای
زائده بیتیه نک مهر لسنه و اوراق و دفاترینک جلبنه
و کفالت مصدقه ارانه ایده مدیکی تقدیرده حبس
و توقیفنه و بوباده کی قرارک موقتاً اجراسنه تجارت
بحریه محکمه سنجه قرار ویرلمش اولدیغندن قانوننامه
تجارتک ۱۷۰ نجی ماده سی موجبجه دائمی سندیکلر
انتخاب اولنمق اوزره اشبو ۳۲۴ سنه سی حزراننک
اون دردنجی جمع ایرتسی کونی ساعت یدی راده لرنده
اصحاب مطلوبک محکمه مذکوره نک مصالح افلاسیه
رؤیتنه مخصوص اوطه سنده کلری اعلان اولنور .

در سعادتده جلال بک خانی التنده مقیم قطوغراف
و لو سید تجارتیه مشغول آدیرادورک ۵ نیسان سنه
۳۲۴ تاریخندن اعتباراً اعلان افلاسنه و مصالح
افلاسیه نک رؤیت و تسویه سی ضمنتده اعضای محکمه دن
سعادتو ابراهیم بکک ژور قومیسر و دعوی وکیللرندن
حسن خیری بکک موقت سندیک تعینلری نه و مغازه سیله
اشپای زائده بیتیه نک مهر لسنه و اوراق و دفاترینک

جلبنه و کفالت مصدقه ارانه ایده مدیکی تقدیرده حبس
و توقیفنه و بوباده کی قرارک موقتاً اجراسنه تجارت
بحریه محکمه سنجه قرار ویرلمش اولدیغندن قانوننامه
تجارتک ۱۷۰ نجی ماده سی موجبجه دائمی سندیکلر
انتخاب اولنمق اوزره اشبو ۳۲۴ سنه سی حزراننک
اون التنجی بازار ایرتسی کونی ساعت یدی راده لرنده اصحاب
مطلوبک محکمه مذکوره نک مصالح افلاسیه رؤیتنه
مخصوص اوطه سنده کلری اعلان اولنور .

غلطه ده عابد خاننده ساکن ایکن تجارت بحریه
محکمه سندن افلاسنه حکم اولنش اولان پاریس
نیقولائی دیس و قومپانیه سی ذمتده آله جغنی اثبات
ویا موقتاً قبول و قید ایتدیرمش اولان آله جقولورک
قانوننامه تجارتک ۲۱۱ نجی و آنی ولی ایدن ماده سی
موجبجه مفلس طرفندن تکلیف اولنه جق
قوتقورداتونک مذاکره سی ایچون [۹ حزران سنه
۳۲۴] تاریخنه مصادف بازار ایرتسی کونی محکمه
مذکوره نک مصالح افلاسیه رؤیتنه مخصوص اوطه سنده
کلری اعلان اولنور .

محکمه تجارت اجراء دأره سنده :

مفلس آندوناکی انانیادیسک تسویه دیونی
ضمنتده مرقومک مالی اولوب سرکه جیده شمندوفر
استاسیونی قارشوسنده سینکر قومپانیه سندن ارضیه
مغازه سنده موجود و محفوظ بولان یوز سکسان یدی
پاکت اکسترا قیورق ایپلک اشبو حزران رومینک
اون ایکنجی پنجشنبه کونی ساعت اوچدن التی یه قدر
مذکور مغازه ده بالمزایده فروخت اولنه جغندن
اشتراسنه طالب اولانلرک و اطرافیه معلومات آلق
ایستینلرک یوم و وقت مزبورده مذکور مغازه ده
مأموری مواجهه سنده حاضر بولنلری محکمه تجارت
اجرا دأره سندن اعلان اولنور .

مناسرت تجارت محکمه سنده :

مناسرت تجارت محکمه سندن افلاسنه حکم
اولنش اولان مناسرتده کائن روچه محله لی دیمتری
میخال چوقه نک خصوصات افلاسیه سندن رؤیت
و تسویه سی ضمنتده دعوی وکیللرندن قسطاکی ماقری
افندی اصالة سندیک تعین قلنمش اولدیغندن
مفلس مرقوم ذمتده آله جغنی اولانلرک قانوننامه
تجارتک ۱۹۹ و ۲۰۰ نجی ماده لری موجبجه تحقیق
دیون ایچون تاریخ اعلانندن اعتباراً یکرمی بر کون
ظرفنده سنداتی محکمه کاتبه تسلیم ایللری و مدت
مذکوره ختامندن صوکره اوچ کونده یعنی ۳۲۴
سنه سی حزراننک اون ایکنجی و اون اوچنجی و اون

دردنجی کونلری مناسرت تجارت محکمه سندن مصالح
افلاسیه رؤیتنه مخصوص اوطه سنده کلرک سندیک
افندی مواجهه سنده آله جغلری اثبات و قید و تصدیق
ایتدیرملری و مدت مذکوره ده اثبات وجود ایده میان
آله جقولور حقنده قانون مذکورک ۲۱۰ نجی ماده سی
حکمنه توفیقاً ایفای معامله اولنه جغنی اعلان اولنور .

قرق کلیسا بدایت محکمه سی اجراء دأره سنده :

قرق کلیسا سنجاننک جامع کبیر محله سنده مقیم
تبعه یونانیه دن صراف نیقولاک قو کینوس افدینک
محله مذکوره دن طنش پادوپلوس و کفیلی زوغراف
ولد ظفیر ذمتلرند با اعلام آله جغنی اولان مبالغک
تأمین اخذ واستیفاسی ضمنتده بولنردن طنش
پادوپلوسک حجز التته آلتان جامع کبیر محله سنده کائن
مع مشتملات بیک ذراع خانه نک ایکی یوز اون التی
سهمدن طقسان التی سهمی و حاجی زکریا محله سنده
کائن اوچ یوز قرق التی ذراع خانه عرصه سی و قره حضر
قوروسی و قیراق التی واکری دره و ارکلیجه جاده سی
موقعلرند و سکرز قطعه ده یکرمی اولک باغلرینک
تمامیه بلبان بابا موقعنده التی یحق اولک باغک اون
سهمدن التی سهمی تاریخ اعلانندن اعتباراً اون بش
کون صوکره بالمزایده صاتیله جغندن طالب اولانلرک
وبوندن زیاده معلومات آلق ایستینلرک قرق کلیسا
سنجاننی بدایت محکمه سی اجرا دأره سنده مراجعت
ایللری اعلان اولنور .

تکفور طغانی بدایت محکمه سی اجراء دأره سنده :

در سعادتده مقیم تجار دن اوخانس (ق)
اوخانسیدی افدینک حاجی حسن اغازاده عمر افندی ایله
در سعادتده چارسوی کبیرده چادیر جیلر قپوسنده
ساکن پرزربلی مصطفی صدقی افندی ذمتلرند ۲۲۲ / ۹۹
نومروده مقید برقطعه تجارت اعلامیه آله جغنی اولان
اون یدی بیک کسور غروشک تأمین استیفاسی ضمنتده
مومی الیهمان عمر افدینک بوکره حجز و فروختی
قرارلشدیریلان تکفور طغانده اسکی کمرک جاده سنده
واقع معلوم الحدود بر باب خانده اولان درت حصه دن
بر حصه شایعه سی اشبو اعلان تاریخندن اعتباراً اون
بش کون صوکره بالمزایده فروخت ایدبله جکندن
اشترایه طالب اولانلرک تکفور طغانی سنجاننی بدایت
محکمه سی اجرا دأره سنده مراجعت ایللری اعلان
اولنور .